

Ақтоғай ауданының "Құрметті Азаматы" атағын беру жөніндегі Қағида туралы.

Күші жойған

Ақтоғай аудандық мәслихатының 2004 жылғы 20 мамырдағы N 6/5 шешімі. Павлодар облысының әділет департаментінде 2004 жылғы 16 маусымда N 2615 тіркелді. Күші жойылды - Павлодар облысы Ақтоғай аудандық мәслихатының 2008 жылғы 4 наурыздағы N 31/4 шешімімен.

Ескерту. Күші жойылды - Павлодар облысы Ақтоғай аудандық мәслихатының 2008 жылғы 4 наурыздағы N 31/4 шешімімен.

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару туралы" Заңының 6 бабының , 1 тармағының 12-1) тармақшасына сәйкес, аудандық Мәслихат ШЕШІМ ЕТЕДІ:

Қоса беріліп отырған "Ақтоғай ауданының құрметті азаматы" атағын беру туралы Қағида бекітілсін.

Сессия төрайымы Ү. Келдібаева

Аудандық Мәслихат хатшысы Т. Мұқанов

3 - ш а қ ы р ы л ғ а н

Ақтоғай аудандық Мәслихаттың
2004 жылғы 20 мамырдағы 5-сессиясының
"Ақтоғай ауданының құрметті азаматы
туралы" № N 6/5 шешіміне
бекітілген

Ақтоғай ауданының құрметті азаматы атағын беру туралы ҚАҒИДА

1. Кіріспе

1. "Ақтоғай ауданының құрметті азаматы" атағы мыналарға беріледі:
1) жоғарғы мемлекеттік наградалармен марапатталған Ақтоғай ауданының тұрғындары және тума азаматтары - Отан қорғаушыларға;
2) өзі еңбек еткен кезеңде ауданның дамуына айрықша елеулі үлес қосып, ауылдастарының қадіріне бөленген, еңбекке деген кіршіксіз адал және шығармашылық көзқарасы, қоғамдық өмірдегі, жас ұрпақты тәрбиелеу ісіндегі белсенді әрекеті үшін, аудан халқының алдында жоғары бедел және құрметке ие болған, жасы 50 - ге жеткен Ақтоғай ауданының тумалары мен тұрғындарына.

Әрине олардың барлығы да басқа қалалар мен елді мекендер "Құрметті азаматы" атағын иеленбеген болуы тиіс.

2. "Ақтоғай ауданының Құрметті азаматы" атағы Ақтоғай аудандық Мәслихаттың сессиясының шешімімен беріледі.

3. "Ақтоғай ауданының Құрметті азаматы" атағын беру туралы өтініш селолық жиын шешімі негізінде селолық округ әкімдерінің, мемлекеттік мекемелер мен қоғамдық ұйымдардың, өндірістік кәсіпорындардың коллективтерінің жиналысының ұйғарымымен берілуі мүмкін.

4. "Ақтоғай ауданының Құрметті азаматына" куәлік, құрмет Дипломы мен Белгі табыс етіледі.

2. "Ақтоғай ауданының Құрметті азаматы"

дипломының сипаттамасы

5. "Ақтоғай ауданының Құрметті азаматы" дипломы қатқыл ақ қағаздан жасалады. Мұқабасында қазақ және орыс тілдерінде "Ақтоғай ауданының Құрметті азаматы" атты жазуы болады. Дипломның ішкі бетінде түрлі-түсті бояумен Қазақстан Республикасының Ел таңбасы және "Ақтоғай ауданының Құрметті азаматы" атағын беру туралы аудандық Мәслихат сессиясы шешімінің мәтіні орын алып, сол жағындағысы қазақша, оң жағындағысы орысша т о л т ы р ы л а д ы .

Диплом Қазақстан Республикасының мемлекеттік жалауы түстес арнаулы папкаға салынады.

3. "Ақтоғай ауданының құрметті азаматы"

Белгісі туралы

6. "Ақтоғай ауданының Құрметті азаматы" Белгісі Қазақстан Республикасының мемлекеттік жалауының түсіне келтіріліп, көлемі шеңбер болып, металдан дайындалады.

Белгіде "Ақтоғай ауданының Құрметті азаматы" деген қазақ тілінде жазу бар.

4. Көрсетілетін көмекті беру тәртібі мен мөлшері

7. Аудандық бюджетте қарастырылған "Азаматтардың жекелеген топтарына әлеуметтік төлемдер" (258-051) бағдарламасы бойынша жылына бір рет Ақтоғай ауданының құрметті азаматына 7,0 (жеті) мың теңге көлемінде әлеуметтік жәрдем көрсетіледі.

5. Ақтоғай ауданының құрметті азаматтарын тіркеу

8. Ақтоғай ауданының Құрметті азаматтарын тіркеу Ақтоғай селосындағы аудандық музейіндегі "Құрмет кітабында" жазылады.

6. Ақтоғай ауданының "Құрметті азаматы" атағынан айыру

9. Ақтоғай ауданының Құрметті азаматы атағынан аудандық Мәслихат мына жағдайларда айырады:

1) соттың ұсынысы бойынша заңдылықты белгіленген негіз бен тәртіпте қылмыс жасағаны үшін сотталған азаматтар;

2) азаматтық ар-ожданына шүбә келтіретін қылық жасағанға қоғамдық ұйымдар, азаматтардың ұсыныстары мен аудандық Мәслихаттың тұрақты комиссиясының қорытындысы бойынша айырылады.

10. Құрметті азамат атағынан айырылған тұлға аудандық Мәслихатқа Дипломын, оның куәлігін, Белгісін қайтарып береді.